



لغة العيون

ما تقولش على لغة العيون

لغه تشوفها بالف شكل والى لون

فى عيون تشوفك تشاقلك

وعيون لوحدها تندهلك

وعيون تشوفك تتجاهلك

وعيون ما بتشوف غير طيفك

وعين فصولها تكون صيفك

مع الربيع تلقى خريفك





وعيون عليها يصعب حالك
وعيون تلاعب في جنابك
تسرح ورا ضل خيالك
وعيون تموت في الغيبه
عنها وعيون تشوفها تناديلها
من غير ماتسأل بتجيلها
وبسرعه تفرش منديلها
وعيون تلاقى نفسك فيها
قافله عليك ننى عنيا
وليك بتسهر لياليا





دا ربك اللي عالم بيها
وعيون مكاره يا خساره
وعيون بتعزل في شباكها
لكل من كان حوالها
وعيون بتتونس بعنيك
مايحل ليها الا بيك
تلاقيها خايفه تملي عليك
لغه العيون اسرار وحوار
ياجنه هاتعيش في ربيعها
ياتبعك وتكون في النار

